



FAN, TA'LIM VA AMALIYOT INTEGRATSIYASI

ISSN: 2181-1776

Hakimov Ahadjon Obbosovich

Farg'ona davlat Universiteti magistrantasi

SOVET DAVRI MAKTAB O'QITUVCHILARINING KUNDALIK HAYOTI
(Farg'ona vodiysi misolida)

Annotatsiya

Ma'lumki, sovet davri maorifi metodologiyasida kommunizm g'oyasi asosida o'qituvchi kadrlarni tayyorlash, kommunistik partiya g'oyalarini yoyish va kelajak avlodni tarbiyalash muhim vazifalardan biri bo'lgan. shuning uchun umumta'lim maktablarining faoliyati asosan «rivojlangan sotsializm» g'oyasini o'quvchilarga singdirish, ularni «kommunistik ruhda» tarbiyalashdan iborat bo'ldi. Mazkur maqoladagi sovet davri ta'lism tizimining o'ziga xos uslublari, maktab o'qituvchilarining moddiy ta'minlanganlik darajasini yaxshilash uchun qabul qilingan qarorlar, o'qituvchilarning tashqi ko'rinishlari va umumiyl faoliyatları to'g'risidagi ma'lumotlar davriy nashrlar, arxiv materiallari asosida yoritildi.

Kalit so'z va iboralar: ovet davri, maorif, kommunistik mezon, kommunistik tarbiya, maktablar faoliyati, o'qituvchi madaniyati, o'qituvchining moddiy ta'minoti.

KIRISH

Sovet Ittifoqi davrida Markaz ideologlari tomonidan o'ylab topilgan hayoliy va noilmiy aqidalar girdobida, butun mamlakatda bo'lganidek, Farg'onada ham maorif, oliy ta'lim, ilm-fan, san'at o'ta siyosiyashgan holda rivojlanishga majbur qilindi.

Bu davrda barcha milliy respublikalar va millatlar madaniyatini o'zida mujassamlashtirgan yagona «soviet madaniyati» yaratilganligining e'tirof etilishi SSSRga birlashtirilgan barcha xalqlar ma'naviyatining bundan keyingi yo'nalishini belgilab berdi. Ushbu davrda madaniyatga xos, uning



rivojlanishi uchun muhim omil bo'lgan erkinlik, demokratiya batamom yo'q qilindi. Madaniyat, ayniqsa, milliy madaniyatning «rivoji» maxsus qolipga solindi. Siyosiy o'lchovlarga, kommunistik mezonga javob bermagan har qanday asar yo'qqa chiqarildi, uning muallifi esa jamiyatga yaroqsiz shaxs sifatida «chetga surib» qo'yildi. Ayni paytda, sovet davri o'zbek madaniyati uchun to'liq tushkunlik davri deyish ham xato bo'lur edi. CHunki bu davrda mafkuraviy tazyiqlar, qolipga solishlar kuchaygan bo'lsa-da, madaniyat ma'lum darajada rivojlandi. Bu yillarda yaratilgan ijobjiy ishlari, omma orasida olib borilgan madaniy-ma'rifiy tadbirlar o'ta siyosiylashgan va mustabid tuzum uchun xizmat qilgan bo'lsa ham, u baribir o'zbek xalqining shu davrdagi milliy madaniyati bo'lib qoldi, xalqning madaniy-ma'rifiy saviyasini oshirishga xizmat qildi. Xususan, bu maorif, olyi ta'lim muassasalariga tegishlidir[7.571].

ADABIYOTLAR TAHLILI VA METODLAR

Maqola umum qabul qilingan tarixiy-metodlar – tarixiylik, qiyosiy-mantiqiy tahlil, ketma-ketlik, xolislik tamoyillari asosida yoritilgan. Bugungi kunda O'zbekistonda amalga oshirilayotgan siyosiy, ijtimoiy, iqtisodiy islohotlar aholini turmush darajasini oshirish, mehnat faoliyatini yaxshilash uchun qaratilgan. SHu jumladan maktab o'qituvchilarining moddiy ta'minlanganlik darajasini yaxshilash uchun qator qarorlar qabul qilindi. O'zbekistonda faoliyat olib borgan o'qituvchilarining sovet davridagi ijtimoiy qiyofasi yuzasidanolib borilgan tadqiqotlar tahlili bugungi kunda davlat tomonidan olibborilayotgan siyosatni aniq belgilab olishga kerakli manba bo'lib xizmatqilishi mumkin. Maqola yozish jarayonida G'.Mahmudnazarov, M.Ochilov, N.Ochilova, K.Ergashev, E.Tajimirzaev, N.SHari波valarning ilmiy tadqiqot ishlariiga murojaat qilindi.

SHu o'rinda ta'kidlashimiz kerakki, sovet davri maorifi metodologiyasida kommunizm asoschilaridan biri V.I.Leninning "Biz endilikda o'qituvchi kadrlarning yangi armiyasini shakllantirishimiz lozim. Ular partiya saflarida hamohang bo'lishlari, partiya g'oyalarini yoyish va kelajak avlodni tarbiyalashlari kerak" degan so'zlari oqibatida o'qituvchilar doimo partianing diqqat-e'tibor markazida bo'lgan. "Sovet o'qituvchisi partianing ishonchli vakilidir" degan shior 70 yil davomida dolzarbligini yo'qotmadni.

NATIJALAR VA MUHOKAMA

Maktab – kadrlar tayyorlash tizimining dastlabki bosqichidir. Sovet davrida maktablarning kundalik hayoti qat'iy ishlab chiqilgan tartib asosida amalga oshirildi. O'quv kuni boshlanishi va uni qanday o'tkazish, o'quvchilar jalb etilgan jamoat tashkilotlari – oktyabr, pioner, komsomoldan tortib, o'quvchiga talim-tarbiya berish siyosiy jihatdan qolipga solingan edi. Keyinchalik psixolog va pedagoglar tomonidan an'anaviy sovet ta'lim tizimini ijodiy fikrlashga qodir bo'lмагan, partiya uchun xizmat qiladigan armiya tarbiyalashda ayblandi. CHunki o'qituvchilar partianing quroliga aylanib ulgurgandi.

Kommunistik partiya o'z g'amxo'rligini ko'rsatib qo'yish maqsadida turli islohotlarni amalga oshirgan. O'qituvchilar qatlamini shakllantirish jarayonida sovet hokimiyyati mustahkam tayanch nuqtaga ega dastur tuzib chiqishga e'tibor qaratdi. CHunki o'qituvchilar g'oya targ'ibotchisi, yoshlar ongiga, aholi bilan tushuntirish ishlari olib borishda eng asosiy qurol bo'lib xizmat qilardi. Ayniqsa qishloq joylarda "o'qituvchi" barcha narsani anglatishi mumkin edi. O'quv yurtlarida tahsil olayotgan talabalarni komsomol tarkibiga o'tkazish, kommunistlar sonini ko'paytirish yo'li bilan sovet g'oyalari targ'iboti uchun ko'plab malakali mutaxassislar tayyorlanar edi. Qishloq o'qituvchilari uchun imtiyozlar, oylik maoshlarini oshirish, rag'batlantirish pullari, moddiy yordam, kommunal to'lovlar uchun qo'shimcha pul berish kabi moddiy jihatdan qo'llab-quvvatlash ishlari tashkil etildi.

Ma'nnaviy tomonidan rag'batlantirish uchun 1940 yil 10 fevraldan "O'zbekiston SSRda xizmat ko'rsatgan o'qituvchi" unvoni joriy etilgan bo'lsa-da[8.3], o'qituvchilarining kasb bayrami 1965 yildan boshlab har yili 5-oktyabrda nishonlana boshlandi[1].



Urushdan keyingi yillarda o'qituvchilarning kiyinish madaniyati ancha tartibga tushdi. O'qituvchilarning kiyinish madaniyati, yashash muhiti moddiy ta'minlanganlik darajasiga bog'liq. SSSR Ministrlar Kengashining 1948 yil 10 fevraldag'i "Boshlang'ich va yetti yillik maktablarning o'qituvchilar uchun yengillik va imtiozlar to'g'risida"gi qaroriga asosan boshlang'ich, yetti yillik, o'rta maktab o'qituvchilarining oylik maoshlari 15% ga oshirildi. Oylik ish haqi o'rtacha 120 so'mni tashkil etdi. Bundan tashqari pedagogik stagi 25 yildan kam bo'limgan o'qituvchilarga oylik ish haqining 40%idan kam bo'limgan nafaqa tayinlandi. Qishloq o'qituvchilariga esa yer uchastkalari, yashash uchun bepul uy-joy, sentyabr oyigacha qishda foydalanish uchun yoqilg'i, yonilg'ilar yetkazib berilishi ko'zda tutildi.

Sovet davri Farg'ona vodisida yashovchi aholi farzandlarining kundalik hayotida maktab va bog'chalar muhim o'rinni tutgan. Qishloq bolalarini maktablarga olib borish uchun kolxozi va sovxozi avtobuslar bilan ta'minlana boshlagan. 80-yillar arafasida Andijon viloyatida boshlang'ich, sakkiz yillik va o'rta maktablarning umumiy soni 603 ta bo'lib, ular dan 516 tasi qishloq maktablari edi. Namangan viloyatida 515 ta maktabning 415 tasi, Farg'ona viloyatidagi 667 ta maktabning 550 tasi qishloqlarda joylashgan. Uchchala viloyatlar qishloqlarida sakkiz yillik va o'rtamaktablar soni shaharlardagiga nisbatan kam, lekin boshlang'ich maktablar soni kup edi[5.22].

1980-1985 yillarda qishloq maktablarini yiriklashtirish ishlari amalga oshirildi. Bu yillarda maktabgacha ta'lim tizimiga ham alohida e'tibor berilgan. 1965-1970 yillarda Andijon viloyatida jami 4500 o'rinni bolalar bog'chalari ishga tushirilgan bo'lsa, shulardan 2000 o'rini kolxozlarda tashkil etilgan edi.

1980-yillarda xalq ta'limi uchun davlat tomonidan ajratilgan mablag' 11%dan 8%ga kamayib ketdi. Respublikaning barcha viloyatlaridagi maktablarning 20-60%ni zarur o'quv qurollari, asbob-anjomlar bilan jihozlanmay qolaverdi, 50%dan ortiq maktablarda issiq ovqat bufetlari tashkil etilmadi. Kuni uzaytirilgan guruuhlar ishi ayniqsa o'lida-jo'lida qoldi. 80-yillarda 1-8-sinf o'quvchilarining atigi 8-9 %ini bunday guruhlarga jalb etilgan edi, xolos[11.20].

80-yillarda O'zbekiston maktablarida ahvol sifat jihatidan o'zgarmay qolaverdi. Maktablar jahon tajribalaridan, zamonaviy texnika va o'qitish vositalaridan foydalanmadidi. Ularning moddiy-texnika bazasi yaxshilanmadidi. To'g'ri, bu yillarda maktablar, o'quvchilar, o'qituvchilar soni yildan-yilga ortib bordi, son ko'rsatkichlari kishini hayratga solar darajasida ortdi.

Maktab o'quvchilarining o'quv rejasidagi soatlarni o'zlashtira olmasligi odatiy hol bo'lib qoldi. Bu ularni paxta va boshqa qishloq xo'jalik ishlari ko'proq jalb qilinishi bilan izohlanadi. O'quv yilining 3-4 oyi ana shunday majburiy tadbirlar bilan band bo'lishga ketar edi. Bu esa o'zbek o'quvchisini jahon standartlaridan ortda qoldirib, zamonaviy fan sohalarini o'zlashtirishga imkon bermasdi.

Shu o'rinda maktab faoliyatiga doir ijobiy holatlarga ham to'xtolib o'tsak. Maktab o'qituvchilarning ish kuni deyarli bir xilda o'tadi. Darsga kirish uchun qo'ng'iroq chalingunicha o'qituvchi darsga tayyor bo'lishi lozim. O'qituvchi ilmiy bo'lim tomonidan tasdiqlangan dars ishlanmasi, sinf jurnali, kitob, ko'rgazmali qurollar bilan sinf xonasiga kirib boradi. Albatta, dars jarayonining qanday borishi o'qituvchi mahoratiga bog'liq. O'quvchi uchun kelgusi kasb tanlashda o'qituvchi shaxsi juda katta ahamiyatga ega. 1970 yilda o'rta maktablar uchun nizom qabul qilindi[3]. Endilikda o'qituvchining o'zini tutishi yanada qattiq nazorat qilinadigan bo'ldi. Pedagogik ahloq qoidalarida haqqoniylig, halollik, adolat talablari ko'rsatilgan bo'lsada, amalda o'qituvchi to'liq o'zlashtirish berishi, "ikkisiz ikki yillik" dasturi asosida ishlashi talab etildi[4.36]. Oqibatda ta'lim sifati pasayib bordi.

Maktab o'qituvchilar uchun biron bir forma, majburiy kiyim haqida qaror qabul qilinmagan. O'qituvchi odob-ahloq qoidalariga asoslanib odmi kiyinishi kerak edi. O'qituvchi ayollarning deyarli 90% ni boshlarida ro'mol, odmi kuylaklari bilan ko'z oldimizda gavdalananadi. Taqinchoqlar taqib kelish, ortiqcha bo'yanishni o'qituvchilar o'ziga ep ko'rishmagan. Erkaklar ham ko'yak, kostyum-shim, ko'pincha boshlarida do'ppi bilan ishga kelishgan. Ularning kiyagan kiyimlari



o'quvchilar uchun namuna hisoblangan. Yuqori sinf o'quvchi qizlari ayol o'qituvchilarning soch turmaklariga havas qilib qarashardi.

O'qituvchilarning gapirishi, o'zini tutishi doimo o'quvchining diqqat e'tiborida bo'lган. Davriy nashrlarda maktab hayoti haqida yozilgan maqolalarda o'qituvchilarning tashqi ko'rinishlari tasvirlangan. Muallif maktabdagi eng hurmat qiladigan o'qituvchisi haqida eslab quyidagi so'zlarni yozadi: "Hanuz esimda: meni hammadan ham o'qituvchining kiyim-boshi lol qoldirdi. U nihoyatda ozoda va sipo kiyangan, egnida ohori to'kilmagan oq ko'yak ustidan o'sha davrlarda moda bo'lган charleston kostyum-shim, bo'ynida guldar galstuk, oyog'ida yalt-yalt qora tufti, boshida taxi buzilmagan chust do'ppi". Bu o'qituvchiga qarab o'zida o'qituvchilik kasbiga intilish paydo bo'lganligi va o'sha o'qituvchiga o'xshashga harakat qilganligini aytgan. Lekin o'qituvchilar orasida kiyinish madaniyatiga amal qilmaydiganlar ham ko'plab uchragan. Ayol o'qituvchilarning rang-baranglikda kiyinishi davriy nashrlarda tanqid qilingan[8.3].

Tanqidiy ruhdagi maqolalarda esa ba'zi maktablardagi ko'ngilsiz holatlar tahlil qilingan[6.2-3]. "O'qituvchi o'z yoshiga yarashmagan qimmatbaho kofta-yubka kiyib boshiga yaltiroq ro'mol o'rangan, barmoqlarida uzuk. Mahallani dimog'dor karchalon ayollariga o'xshaydi. To'yma-to'y yuradigan bekorchi ayollarga o'xshab olgan". Maktab jamoasining aksariyatini ayollar tashkil qilgan. Tekshirish uchun kelgan nazoratchi ularning biri yal-yal yongan atlas kuylakda, boshqasi rangi bir-biriga tushmaydigan kofta-yubka kiyib olganligini tanqid qilgan[2.2]. O'qituvchilarni odmiroq va did bilan kiyinishga chorlaydi. O'quvchi tarbiyasining mazmuni o'qituvchi kiyimi rang-barangligiga qarab emas, balki ish uslubi rang-barangligiga qarab o'lchanadi. Bunda uning mahorati, tajribasi muhim rol o'ynaydi. Bu fikr aksioma, ya'ni isbot talab qilmaydi.

Nafaqadagi o'qituvchilar bilan suhbat jarayonida shu narsaga amin bo'ldimki, o'qituvchining bisotida bir necha kiyimi bo'lган xolos. O'qituvchining kamtargina oyligi faqat eng kerakli narsalarni xarid qilish uchun sarflangan. Garchi o'qituvchilar uchun maxsus forma joriy qilinmaganligiga qaramay, o'qituvchilar ma'lum bir kiyinish qoidalariga amal qilishgan. O'z o'qituvchilarini ta'riflash chog'ida kishilar ularning oddiygina, lekin did bilan kiyanganini e'tirof etadilar. SHahar joylarda yashab, ishlayotgan o'qituvchilarning kiyim-kechagi qishloq hududlarida yashayotganlarnikidan yaxshiroq edi. CHunki qishloq magazinlarida kerakli tovarlarni yo'qligi va pul yetishmasligi turfa hil kiyinish uchun imkon bermasdi. Asosan to'q rangli qora, jigarrang, ko'k rangli kiyimlar kiyib yurishgan. Erkaklar boshida do'ppi, ayollar ro'mol o'raganlar. Moddiy yetishmovchilikga qaramay, o'qituvchilar sodda, lekin did bilan kiyinishga harakat qildilar. SHu bilan birga o'qituvchilarning tashqi ko'rinishlari shahar va qishloq joylarda bir-biridan farq qilishi davom etdi. Uslubchilar o'qituvchilarga ko'rsatmalarida shunday yozganlar: O'qituvchi yosh avlod oldida o'z obro'ini to'kib qo'ymasligi uchun tashqi ko'rinishi haqida juda qattiq qayg'urishi kerak. O'qituvchi boshqalardan ko'ra chiroyliroq, halol, sezgir, samimiy, quvnoq va tashqi ko'rinishi yoqimli bo'lishi kerak[10.756-764].

Maktabda o'qituvchilar xonasining alohida o'rni bor. O'qituvchilar turli masalalardagi o'z muammolari bilan o'rtoqlashishlari mumkin bo'lган. Dars tahlili, tushlik masalasi, shaxsiy masalalar haqida fikr almashishgan. Hatto darsdan keyin o'qituvchilar xonasida ayol o'qituvchilar to'planib to'planib qo'shiq aytib raqs tushishgan. Madaniy dam olishning bu xil turiga maktab rahbarlari ham e'tiroz bildirmaganlar. Tug'ilgan kunlar ham shu xonada nishonlangan. Lekin barcha maktablarda ham o'qituvchilar xonasi bo'lмаган. Davriy matbuotlarda 1980-1990 yillar orasida o'qituvchi darsdan so'ng dam olishi, o'z ustida ishlashi, fikr almashishi va hordiq chiqarishi uchun imkoniyat yaratilishini, o'qituvchilar uchun dam olish xonalari ajratilishini talab qilgan maqolalar ham chop etila boshlandi[12.3].

O'qituvchining moddiy ta'minotini o'sib borishi 1960-1975 yillar davomida yaxshigina ko'rsatkich bergen bo'lsa, 1980 yillardan boshlab pasaiyb bordi. 1960 yillarning boshlariga kelib xalq xo'jaligining ta'lim va ishlab chiqarish tarmoqlaridagi ishchi-xodimlarning ish haqi darajasida sezilarli tafovut yuzaga keldi. Masalan, 1958 yilda ta'lim oluvchilarning o'rtacha oylik ish haqi



sanoat ishchilariga nisbatan 20 % past bo'lgan. Ish haqi farqi xalq xo'jaligining ishlab chiqarish tarmoqlarida ishchilarning ish haqi regulyarizatsiyasidan keyin yana ham ortdi va 1960 yilda uning tarkibi allaqachon 24% ni tashkil qildi. SSSR Ministrlar Kengashi Markaziy Ijroiya qo'mitasi 1964 yil 15 iyul kuni "Ta'lim va sog'liqni saqlash, uy-joy va kommunal xizmatlar xodimlarini ish haqini oshirish" to'g'risidagi №620 sonli qarorini qabul qildi. Ushbu qaror qabul qilingan vaqtida ta'lim sohasi xodimlariga ish haqi to'lashda quyidagi kamchiliklar bor edi. O'qituvchilar rasmiy ish haqi darajasi moddiy ishlab chiqarish ishchilar bilan solishtirganda past edi; Maktab joylashishiga qarab o'qituvchi ish haqining turli guruhlari bor edi. (shaharlar va qishloq joylarda); Maktab o'quvchilarining yoshiga qarab o'qituvchilarga to'lanadigan haqda farq bor yedi.

Stavkalarning uch guruhi mayjud edi: eng past (1–4 sinflarda), yuqori (5–8 sinflarda) va nisbatan yuqori (9–10 sinflarda) Xodimlarning ta'lim darajasi va ishbilarmonlik ko'nikmalarini oshirish uchun moddiy rag'batlantirish zaif bo'lib, oliv ma'lumotli va unga ega bo'limgan o'qituvchilar uchun ish haqi stavkalari miqdorida farq kam edi. 1-4 sinflarda oliv ma'lumotli o'qituvchilar uchun ish haqi darajalari yo'q edi. Ularga o'rta pedagogik ma'lumotga ega o'qituvchilar uchun nazarda tutilgan darajalar bo'yicha maosh to'landi. Qo'shimcha ishlar uchun to'lov (sinf rahbarligi, yozma ishlarni tekshirish) o'qituvchilarning haqiqiy mehnatiga yarasha to'lanmadidi. 1964 -yilgi islohot maktab va boshqa o'quv yurtlarining rahbar xodimlariga haq to'lashda bir qator o'zgarishlarni kiritdi. Endi ularning ish haqi hajmi o'quvchilar soni, ta'lim darajasi va pedagogik ish tajribasiga bog'liq bo'ldi. Haq to'lashning yangi shartlari joriy etilishi natijasida oliv ma'lumotli o'qituvchilarning ish haqi 26,5% ga, to'liqsiz oliv ma'lumotlilarniki 21,2% ga, o'rta maxsus ma'lumotlilarniki-19,6% ga, umumiy o'rta ma'lumotli – 13,3% ga oshdi. SHunday qilib, 1964-yilgi islohotdan so'ng o'qituvchilar xizmat muddati va o'qitiladigan soatlar soniga qarab 65-115 so'm ola boshladilar.

SSSR Statistika boshqarmasining 1984 yil 27 apreldagi buyrug'i bilan o'qituvchi va maorifning boshqa xodimlarini oylik ish haqi 0,10 %ga oshirildi. Oylik maoshdan tashqari o'qituvchilar uchun kommunal to'lovlar uchun alohida pul berilgan. 1984 yilning boshida Farg'ona viloyatida faoliyat yuritayotgan 40340 nafar o'qituvchiga kommunal to'lovlar uchun 53,1 ming so'm ajratilgan. Keyingi yilda 42489 nafar o'qituvchi uchun 70,1 so'm ajratilgan[9]. 1979 yilda SSSRda o'rtacha ish haqi 148,74 so'mni tashqil qilgan. 1 so'mga 100 pachka gugurt sotib olish, 100 marta telefon qilish, o'qituvchilar 110-130 so'm, injenerlar 11-130 so'm vrachlar 100-150 so'm, hamshiralalar 80-100 so'm olishgan.

Oddiy ishchilar ishning og'irligiga qarab 100 so'mdan – 400 so'mgacha olishgan. Kartoshkani kilosi 5 tiyin bo'lganini hisobga olsak, bir kunlik tushlik ovqat 20-50 tiyinni tashkil qilgan.

1988 yilda o'rtacha oyliklar 217 so'mni tashkil qilib, o'qituvchi va shifokorlar o'rtacha 165 so'm olar, hamshiralalar 80-100 so'm olsa, ba'zi soha ishchilari 200- 400 so'm olgan. Non 16 tiyin, 10 ta tuxum 1,20 tiyin, sut 26 tiyin, kartoshka 12 tiyin, tushliklar 1,40 tiyinni tashkil qilgan.

Jinsi shimplar 150 so'm, krassovkalar 50-70 so'm turgan bo'lsa, maktab formalarini 35-40 so'mga olish mumkin edi. Agar bir oilada 3 ta maktab o'quvchisi bo'lsa ona oyligini yarmidan ko'pi maktab formasi uchun sarflangan[1].

1990 yillar arafasidagi iqtisodiy qiyinchiliklarni hisobga olib 1990 yil 13 noyabrda O'zbekiston SSR Prezidentining "Barcha tipdagи maktab o'qituvchilariga, bolalar uylari tarbiyachilariga qo'shimcha imtiyozlar, yuqori sinf o'qituvchilarini oylik maoshini oshirish" haqidagi qarori qabul qilindi.

XULOSA

Umumta'lim maktablarining faoliyati asosan «rivojlangan sotsializm» g'oyasini o'quvchilarga singdirish, ularni «kommunistik ruhda» tarbiyalashdan iborat bo'ldi. «Kommunistik tarbiya»dan ko'zlangan maqsad esa yoshlarni «proletar internatsionalizmi»ga, «katta og'alar»ga sodiqlik, sinfiylik, partiyaviylik ruhida tarbiyalashdan iborat edi. Milliylik esa o'zbek maktablari



mazmunidan chiqarila boshlandi. Maktablardagi tarbiya Yevropa tarixi misolida olib borildi. Yevropa madaniyati, tarixi amalda baynalmilallik namunasi sifatida talqin etildi. Natijada, o'zbek o'quvchilarida milliy o'zlikni anglash, urf-odat, milliy an'analarga sodiqlik kayfiyatidan ajralish hollari ro'y bera boshladi.

ADABIYOTLAR RO'YXATI (REFERENCES)

1. Alina Sverdlova-Aleksandrova SHkolnye uchitelya v Sovetskom Soyuze//<https://lenin.guru/shkolnye-uchitelya-v-sovetskoy-soyuz/>
2. Mahmudnazarov G'. Yagona forma bo'lishikerakmi?// O'qituvchilargazetasi. 1987 yil 13 iyunъ.
3. Obъ ustave sredney obshcheobrazovatel'noy shkoly//<http://docs.cntd.ru/document/901945749>
4. Ochilov M., Ochilova, N. O'qituvchiodobi. – T.: O'qituvchi, 1997.
5. Tajimirzaev E.A. XX asrning 60-80-yillarida Farg'ona vodiysi qishloqlari aholisining kundalik hayoti. Falsafa doktori (PhD) dissertatsiyasi avtoreferati. Andijon, 2020.
6. Tohir Malik. O'qituvchi obro'i// O'qituvchilar gazetasi. 1989 yil 10 iyunъ.
7. O'zbekistonning yangi tarixi. 2-kitob. O'zbekiston sovet mustamlakachiligi davrida. – T.: SHarq, 2000.
8. O'qituvchi qadri//O'zbekiston adabiyoti va san'ati. 1984 yil 3 fevralъ.
9. FVDA, f.321, r.3, y.369 "Razovsky uchyon o rezul'tatax povyshenie zarabotnoyplaty uchiteley i drugix rabotnikov uchrejdenie narodnogo obrazovanie zaaprel' 1985 god".
10. SHaripova N.A. O'zbekistonda sovet davri mакtab o'qituvchilarining ijtimoiy qiyofasi. Academic research in educational Sciences. Vol. 1 | ISSUE 3 | 2020.
11. Ergashev K. Razvitie obshcheobrazovatel'noy shkoly v Uzbekistane. 70-e—90-e gg.: problemy i tendentsii. — T. 1996.
12. Yakvalxo'jaev Yo. O'qituvchi shaxsini ulug'lab//O'qituvchilar gazetasi. 1989 yil 15 iyulъ.